

Simeoni: «Jendeak krisi mundiala eta Maastricht nahastu egiten ditu»

«Eraikitzen ari den Europa ez doa gure norabidean», dio eurodiputatu kortsikarrak

Max Simeoni Aliantza Libre Europarreko (ALE) diputatua Baionan izan genuen joan den asteazken arratsean, Iparraldeko Eusko Alkartasunak gonbidaturik. Simeoni Kortsikako Unione di Populu Corsu alderdiko partaidea da eta Europako 1989ko hauteskundeetan Iparraldeko EA eta Frantziako hainbat alderdi erregionalistaren zerrendako buru aukeratu zuten eta lau urtez eurodiputatu kargua bete du.

HUR GOROSTIAGA / BAIONA

EGUNKARIA.— Zerk batzen du ALE?

MAX SIMEONI.— ALE 1982an sortu zen eta UPC nire alderdia fundatzaileetarikoa bat da. ALEk Europako ehundaka mugimendu erregionalista batzen ditu, asko hautagai europarrak ez dutenak. Denetarik dago, baina batez ere autonomia onartzen ez zaien herrialdeetako ordezkariak. Baina gure borroka lehen-lehenik identitatearen aldekoa da, komunitate historikoak kontuan hartuz, baina era berean, borroka politikoa da, Estatuaren aldeko entitate autonomikoen eza-gupena lortu nahi baitugu. Identitate horiek arazoak dituzte eta batzuetan desagertzeko zorian, beraz Estatu zentralistetan batez ere, konstituzioetan dauden huts horiek zuzentzeko ahaleginetan ari gara. Ez gaude estatuen kontra, baina bai estatuen beste molde baten alde.

EGUNKARIA.— Nazionalista al da?

SIMEONI.— Nazionalismo hitzarekin kontuz ibili behar da. Nazionalismoak muga eta oposizioa erran nahi du, identitatearen nazionalismoak, berriz, onarpenak eta ezberdintasunaren aldeko eskubidea inplikatzeko du.

EGUNKARIA.— Zeintzuk izan dira zure agintaldiko unerik aipagarrienak?

SIMEONI.— Nire lan nagusia Kultura, Gazteria, Komunikabideak eta Kirolak Batzordeko lehendakariorde gisa egin dut. Batzorde horretan batez ere nire ekintzak hizkuntza eta estatutu minorizatuen aldekoak izan dira. Parlamentuak aurreko legegintzaldian jadanik, hizkuntza minorizatuen aldeko txosten bat ateratu zuen ia aho batez, baina Parlamentuaren erabakiek ez dutenez inolako botere exekutiborik, txostena xede bat bezala

gelditu zen besterik gabe. Legegintzaldi honetan berriz aurkeztu dugu txostena, baina agintaldia amaitzean da eta oraindik ez da ezer aurreratu. Europako Kontseiluak ere aldeko jarrera nahiko aurreratua du berak ateratu baitzuen hizkuntza minorizatuen aldeko gutuna. Lamassoure eta Bayrou ministroek ere euren sostengua adierazi zuten hauteskunde garaian, baina orain badi-rudi alderdien barnean nahiko eragozpen ezarri zaiola. Beraz, hizkuntza minorizatuen aldeko jarrera geldiunean dago, azken finean batzorde juridikoak zuzentzen duen identitateen estatutuaren kasua bezala, biak batera baitoaz.

EGUNKARIA.— Beraz, Europa ate itxi ala irekien unea da?

SIMEONI.— Egun eraikitzen ari den Europari so egingo bagenio ez doa gure norabide berean. Baina hala ere badaude indar azkar anitz European oraindik definitu gabe daudenak, alderdi askotan zatiturik baitaude. Oraindik indar horiek ez daude indarrezko postura batean, baina euren xedeak herri identitateen arazoekin loturik daude. Lamassoure ere euren tartean sar genezake, nahiz eta gero ez duen presiorik egingo parlamentuko eztabaida batean. Europa eraikitzeko erregioak kontuan hartu beharko dira, erregio batetik bestera sekulako diferentziak egon baitaitezke. Kontu handiz ibili beharko da ere bi abiaduretako Europarekin. Europa dinamiko bat sortu behar dugu eta ez anarkiko bat.

EGUNKARIA.— Eta Maastricht bide ona al da horretarako?

SIMEONI.— Maastricht ez da arrisku bat gehiago. Arriskua egongo da bere kontzepzio ekonomiko eta liberalak zuzenki aplikatuz gero. Maastricht ez da ongi ibili krisi mundiala jin zaialako eta jendeak pentsatu duela Maastrichtengandik etorri dela. Jendeak krisia eta Maastricht ez ditu bereizten.

EGUNKARIA.— Zer iritzi duzu Erregioen Komiteaz?

SIMEONI.— Azken urteotan sekulak eskaera izan da Erregioen Komitea osatzeko. Estatuak oso arreta handia izan dute baiezkotzea ematerakoan eta Frantziaren kasuan Estatuak erregioen, departamentuen eta hiri nagusien ordezkariak ezartzea erabaki du. Kontua da hiri baten interesak ez direla beti departamentu baten berak izanen eta berdin erregioarekiko. Gainera Estatuaren esku geratuz, Frantziako erregio batzuk ordezkari gabe geratu dira. Hala ere positiboa da Erregioen Komizioak erregioen iniziatiba bultzatuko baitu.



Max Simeoni Baionan izan da EAren eskutik.

H.G.

Arartekoak iaz baino kexa gehiago jaso du

GASTEIZ

Euskal Autonomi Elkarteko Arartekoaren bulegoak iaz baino kexa gehiago jaso du aurten, Juan San Martinek atzo jakinarazi zuenez. Aurten 765 kexa jaso du, hau da, iaz baino % 15 gehiago. Arartekoa Gasteizko Parlamentuan izan zen bere bulegoari dagokion aurrekontua onartu behar zuten eta. Arartekoaren bulegoak 218 milioi izango ditu datorren urtean, aurten baino % 0,54 gehiago. Arartekoaren bulegoan 23 enplegatu, laguntzailea eta Arartekoa bera daude.

Arartekoak azaldu zuenez, kexa gehiago egoteaz gain, hauek koalifikatua izan dira, lehen esparru pribatuko kexa gehiago jasotzen baitzuten. Administrazioaren isiltasunari dagokionez, pixkanaka zuzentzen ari dela esan zuen San Martinek.

Heritarren kexak jasotzeaz gain, Arartekoak ofiziozko lanak egiten jarraituko duela adierazi zuen.

PARTE HARTU EUSKAL PIEL ZOZKETA HAUNDIAN

IRABAZI 5.000.000

PEZETA



BEDIA
ORDUTEGI JARRAITUA:
ASTELEHENETIK
LARUNBATARA:
10-etatik 20-etara.
IGANDE ETA JAIEGUNETAN:
10-etatik 14-etara.

Udazken-negu honetan baduzu zer irabazi. Irabaziko duzu modan, irabaziko diseinuan, irabaziko salneurrian. Eta gainera, **BOST MILOI** pezeta irabazi ditzakezu.

Nola? Oso erreza da. Zatoz **EUSKAL PIEL**-era eta berri zehatz eskeiniko dizugu.

Janzkien aukeraketa zabala aurkituko duzu, larrugintzaren merkatuko kalitate-salneurri erlazio onenarekin.

Ederragotzen zaituen larria

EUSKAL PIEL

BEDIA
Bizkaia

BILBO
Somera, 37

IRUÑA
Zapateria, 37

DONOSTIA
Easo, 25

GASTEIZ
Fueroak, 14